



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

8. S. Ioannes Baptista bella non reprehendit, sed tacitè laudauit.

urn:nbn:de:hbz:466:1-45699

tè, etiam Christianos, bella gesturos, multæ cum exemplis, ostendunt rationes, quæ partim stant pro bello vniuersim, partim pro bello Christianorum.

Nam in primis factum est prælium magnum in calo: Michaël & Angeli eius præliabantur cum dracone, & draco pugnabat, & angeli eius. Vicit Michaël cum Angelis suis, & triumphauit. Quis non laudauit Michaëlem cum exercitu suo iustissimè, contra diuini solij iniquissimos inuasores depugnantem? Si bellum ex se aliquod malum esset, etiam in Angelis esset malum: neque Deus id imperare hominibus posset, quem mali aliquid iubere non posse, nemo, qui ei seruit, ignorat: imperauit autem sapius. Locutus est Dominus ad Moysen dicens: *Hostes vos sentiant Madianita, & percussite eos, quia & ipsi hostiliter egerunt contra vos.* Item: *Hac dicit Dominus exercituum: Recensui quacumque fecit Amalec Israël, quo modo resistit ei in via, cum ascenderet de Aegypto. Nunc ergo vade, & percussite Amalec, & demolire vniuersa eius &c.* Ut autem non iuberet Deus bella, si semper mala; ita neque laudaret, si numquam bona essent. Laudat autem & bella & bellatores. Ita enim Abraham reuertenti ex cæde Chodorlahomor & regum, qui cum eo erant, per Melchisedech benedixit: *Benedictus Abram Deo excelsio, qui creauit calum & terram: & benedictus Deus excelsus, quo protegente, hostes in manibus tuis sunt.* Ita ipse Christus illius Centurionis fidem laudauit, ait S. Augustinus, non militia desertionem imperauit dicens: *Ego homo sum sub potestate constitutus, habens sub me milites, & dico huic, vade, & vadit; & alij, veni huc, & venit &c.* D. quoque Lucas ait: *Vir autem erat Cornelius Centurio cohortis, qua dicitur Italica, religiosus ac timens Deum.* Qui etiam ibidem dicitur ad se vocasse militem metuentem Deum ex his, qui illi parebant &c. Ita D. quoque Paulus ait: *Fortes facti sunt in bello, castra verterunt exterorum.* Immo in militia spiritali iubet imitari nos studium bonorum militum in bello seculari: *Labora ut bonus miles Christi IESU.* Quæ omnia in militum & militiae laudem non dicerentur, si militia omnis mala esset.

Luculentus testis accedat Ioan: Baptista. *Interrogabant eum & milites dicentes: Quid faciemus & nos? Et ait illis: Neminem conueniat, neque calumniam faciatis, & contenti estote stipendijs vestris.*

VII.
Apoc. 12. 7.

S. Augustin.
lib. 22. contr.
Faustum c. 75.
Num. 25. 17.
1. Reg. 15. 2.

Gen. 14. 19.

Matth. 2. 9.

S. Augustin.
lib. 22. contr.
Faust. c. 74.

Act. 10. 1.

Hebr. 11. 34.

2 Tim. 2. 3.

VIII.

Luc. 3. 14.

¶ ¶ ¶

Ex

S. Augustin. Ex quo loco Augustinus probans non omne bellum esse illicitum
 lib. 22. contr. ait: *Alioqui, cum ad eum baptizandi milites venirent, dicentes: Et*
 Faust. cap. 74. *nos quid faciemus? responderet eis: Arma abijcite, militiam istam de-*
serite, neminem percutite: vulnerate, prostermite neminem. Sed quia
sciebat, eos, cum hac militando facerent, non esse homicidas, sed mini-
stros legis, & non ultores iniuriarum suarum, sed salutis publica defen-
sores, respondit eis, neminem concutiatis, &c. Quo tempore non tan-
 tum pro Iudæis, sed etiam pro illis, qui Christiani erant futuri,
 respondit Ioannes; neque militiam dumtaxat tolerandam, sed
 etiam minimè malam indicavit. Cum enim doceret, fugiendum
 à ventura ira, & fructus dignos pœnitentiæ esse faciendos, mili-
 tesque interrogassent, quo modo id præstare possent, non respon-
 dit, à militia tamquam mala & iram Dei prouocante, & cum ve-
 ra pœnitentia pugnantem desistendum esse; sed monuit illud tan-
 tum, ut neminem immerentem vel vi, vel fraude vexarent, spo-
 liarentur, sed ut stipendijs contenti essent. Stipendia enim tunc
 dabantur, nec permittebantur milites, stipendij loco, obuios
 quosque amicos inuadere, exuere, diripere, ut prædolor nunc fit
 apud Christianos. Ad Christianos autem etiam pertinere respon-
 sum Ioannis, disertè idem S. Augustinus epist. ad Marcellinum
 docet his verbis: *Si Christiana disciplina omnia bella culpares, hoc*
potius militibus consilium salutis pœnitentibus in Euangelio diceretur,
ut abijcerent arma, seque militia omnino subtraherent. Dicitur est autem
eis, Luc 3. Neminem concusseritis, nulli calumniam feceritis, sufficit
vobis stipendium vestrum. Quibus proprium stipendium sufficere debe-
re precepit, militare utique non prohibuit. Quid autem illis facien-
dum, quibus stipendium nullum soluitur? non militandum. Sed
jam nomen militiae dederunt, unde vel militandum, vel penden-
dum est illis. Quid tum facient? in extrema necessitate rapient,
ne fame moriantur. Sed viderint illi, qui eos adigunt ad necessi-
tatem rapiendi. S. Ioannes Baptista, qui bellum non improbavit,
numquam approbavit rapinas; sed dum permisit milites stipen-
dia facere, permisit militare.

IX. Quid quòd Christus ipse Magister noster militiam approba-
 Matth. 22, 21. uit, cum diceret: *Reddite quæ sunt Cæsaris, Cæsari?* Nam dum ius-
 sit tributa & census dari, iussit ea dari, quibus milites contentos
 esse,